

थारी चाकरी करूंगो दिन रात बणाल्यो म्हाने चाकरियो



थारी चाकरी करूंगो दिन रात,
बणाल्यो म्हाने चाकरियो,
थारी सेवा करूंगो दिन रात,
बणाल्यो म्हाने चाकरियो,
चाकरियो ए दादी सेवकियो,
थारां गुण गाऊं दिन रात,
बणाल्यो म्हाने चाकरियो।bd।

यो तन भी थारो,
यो मन भी थारो,
यो सारो जीवन थारो,
ए दादी म्हारो सारो जीवन थारो,
म्हारे जीवन की एक तमन्ना,
करूं मैं सुमिरण थारो,
ए दादी सदा करूं मैं सुमिरण थारो,
कुछ तो दादी मुख से बोलो,
रखल्यो म्हारी बात,
बणाल्यो म्हाने चाकरियो।bd।

कोई हुकम सुणाओ,
दादी कुछ तो फरमाओ,
म्हारे काळजे ने धीर बंधाओ,
ए दादी म्हारे काळजे ने धीर बंधाओ,
हाजिर खड्यो थारे चरणा पड्यो,
कोई काम तो आज ओढावो,
ए दादी कोई काम तो आज ओढावो,
कहणो थारो मानस्युं ए दादी,
सिर पर रख्यो हाथ,
बणाल्यो म्हाने चाकरियो।bd।

लाल चुनड़ी मंगाऊं,
लाल मेहंदी रचाऊं,
लाल चूड़ो थाने पहराऊं,
ए दादी लाल चूड़ो थाने पहराऊं,

समस्त भजनों के लिरिक्स और विडियो बिना इन्टरनेट के, मोबाइल में देखने के लिए गूगल प्ले स्टोर या एप्पल
एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiyari.com>



लाल गजरो सजाऊं,
थाने देख देख हर्षाऊं,
ए दादी थाने देख देख हर्षाऊं,
नैण स्युं नैण मिलाओ दादी,
देखो तो घड़ी स्यात,
बणाल्यो म्हाने चाकरियो lbd।

ऐसी भक्ति दिज्यो,
ऐसी शक्ति दिज्यो,
थारी घर घर ज्योत जगाऊं,
ए दादी थारी घर घर ज्योत जगाऊं,
आवे जद भी मेळो,
करुं सबने मेळो,
थाने मीठा मीठा भजन सुणाऊं,
ए दादी थाने मीठा मीठा भजन सुणाऊं,
हर एक दिल बस यो ही चाहवै,
'प्रेम' स्युं करां मुलाकात,
बणाल्यो म्हाने चाकरियो lbd।

थारी चाकरी करुंगो दिन रात,
बणाल्यो म्हाने चाकरियो,
थारी सेवा करुंगो दिन रात,
बणाल्यो म्हाने चाकरियो,
चाकरियो ए दादी सेवकियो,
थारां गुण गाऊं दिन रात,
बणाल्यो म्हाने चाकरियो lbd।

Singer / Lyrics - Pramod Sharma
Mob. 9699951473
